

中國東方文化研究會歷史文化分會編

歷代碑誌叢書

第十五冊

江蘇古籍出版社

歷代碑誌叢書第一五冊目次

山左金石志二十四卷(二)

〔清〕畢沅 阮元撰
清嘉慶二年儀徵阮氏小琅嬛僊館刊本

一

山左冢墓遺文一卷附補遺一卷

〔民國〕羅振玉輯
民國自刊本

三〇七

山右石刻叢編四十卷(一)

〔清〕胡聘之輯
清光緒二十七年刊本

三三七

山左金石志卷第十一

新舊集賢院等處地官務兼權衡前東無加殺差
內閣學士鄭師事是 齋閣閣事提督安東諸世學致級阮 同撰

唐石

神通寺造象題字十八種

俱正書年月詳後在歷城縣神通寺千佛崖

一已殘泐凡十行存三十七字徑六分內有大唐武德云
云遂以爲諸題之冠一題大唐貞觀口八年僧明德造像
記亦殘泐凡九行存五十一字徑九分一上題顯慶二年
四字下列二行題南平長公主爲太宗文皇帝敬船象一
軀十六字徑七分案唐書公主傳太宗第三女南平公主
下嫁王敬直以累斥嶺南更嫁劉元意錢辛楣少詹云唐

《山左金石志卷十一》

制帝姊稱長公主南平蓋長于高宗矣船古文造字一題

大唐顯慶三年九月十五日齊州刺史上柱國駙馬都尉

渝國公劉元意敬造口像供養三行字徑一寸元意爲齊

州刺史可補史傳之闕一題大唐顯慶三年行青州刺史

清信佛弟子趙王福爲太宗文皇帝敬船彌陀像一軀願

四夷順命家国安寧法界衆生普登佛道六行字徑九分

案唐書趙王福有傳失書顯慶時行青州刺史以國爲國

唐初已然矣一題像主清信女段婆爲父母敬船一軀

一行字徑七分段婆卽段婆變體也一題元毛德供養德

妻田供養二行字徑八分一題李樹生敬船像一軀弟子

口口敬船像一軀二行字徑一寸一題恭礼聖像張直方

題一行字徑一寸一題陵感敬造弥陀像一軀一行字徑

九分陵字上當有欽泐一題像主劉操亡妹順妃供養二
行字徑九分一題高道邛爲比邱尼真海沙弥感師敬造
像一鋪普及法界衆生咸同斯福三行字徑九分一題大
唐顯慶三年僧明德敬船一行字徑一寸此種縣志遺之
一題像主前旅師上騎都尉劉君操供養二行字徑一寸
一題像主周世輒爲父母敬造口口二行字徑八分一題
像主王元亮被蠱魅得差船像設齋願合家平安法界衆
生咸同斯福三行字徑八分一題文明元年四月口趙時
妻羅爲亡母敬造石佛一軀六行字徑六分一題永淳二
年六月內爲天炎泐側近諸村史同王方口百餘人等於
明和尚所祈請遂蒙甘露發心設齋造像造經以口口
口口九行字徑六分泐卽泐字省文玉篇泐乾也

《山左金石志卷十一》

贈徐州都督房彥謙碑

貞觀五年三月立八分書篆額碑高一丈廣四尺二寸厚

七寸在章印縣西南七十里趙山之陽

唐故徐州都督房公碑 額三行字徑三寸五分陽文

唐故都督徐州五州諸軍事徐州刺史臨淄定公房公碑銘并

序

易稱易之爲書也有天道焉有人道焉故君子居則觀其象動
則觀其變智以藏往感而遂通是以進退之數有方存亡之幾
可口昔賈生董相懷王佐之才口口口口口口命世之迫口屯迫
於世故擯口口當年軼風電以長鳴絕雲霓而銀湖而樂天知
命順時守道體忠信而夷險阻憑清靜以安悔吝雖迫川寂其
浸達而盛德久而愈新昔之玉質金相求益友於千載蘭口桂

復想同氣於九原則有□□懷庶幾之道詳觀出處之跡可以追蹤勝業繼踵清塵者其惟都督臨淄定公焉公諱彥謙字孝冲清河人也七世祖燕太尉掾隨慕容氏□度寓於齊土宋元嘉中分□郡之西部置東冀州東清□□繹幕縣仍爲此郡縣人至於蘭侯又於東廣川郡別立武強縣令子孫居之丹陵誕聖祥發慶靈虞舜受□光啓侯服導原注壑若寫河漢之流疎構千雲如仰嵩華之峻□□植公之十三世祖也積德固其宗祊純報貽其長世公侯之門必復繁衍之祚倏歸高祖法壽宋大明中州主簿武賁中郎將魏郡太守立功歸魏封莊武侯使持節龍驤將軍東冀州刺史薨贈□□青州刺史諡高侯魏書有列傳重價香名馳聲南北宏材祕略兼委文武曾祖伯祖州主簿報爵莊武侯齊郡內史幽州長史□行州事衣

山左金石志

三

□訓俗露冕懷戎累仁義而成基處脂膏而不潤祖翼年十六郡辟功曹州辟主簿襲爵莊武伯宋安太守居繼母憂廬於墓次世承家嫡之重門貽於表之貺鄉閭之敬有過知恥宗族所尊不□而肅□伯熊年廿辟開府行參軍仍行□州清河廣川二郡太守□□神英邁器量沈遠寢門之內捧檄以慰晨昏山澤之間單車以清寇亂公稟元精之和氣體惇粹之淑靈心運天機性與道合溫良恭儉應言行之□神采風尚出儀形之表博極圖書□綜遺逸正經義□時所畱懷絕簡研幾下帷覃思盡探隅隩畢詣精微或致元白之議非止春秋之僻吉凶禮制今古異同莫不窮覈根原詳悉指要內□親表達之學徒負笈擁帶質疑去惑公疑神□□函丈無倦聲□□□山谷對盈自遷定齊土家已重世班懿十紀旌旗之盛未多陳完八葉鳴鳳

山左金石志

四

之祥斯在況復里稱冠蓋庭茂芝蘭行則結□連騎居則撞鐘列鼎雖范蠡貨財本輕卿相陰家僕□舊比封君□之□□公開心閉館以風素自居清虛味道沉冥冥欲恭敬以撙節退讓以明禮潛隱之操始擅於州閭高亮之風日聞於海內於是羣公仰德邦君致禮物□斯辯益□盈塗郡三辟功曹州□辟主簿其後□□而從命公明天人之際述堯舜之道其處也將委質於衆妙之門栖神不死之地其出也將宏聲名教博利生民舟楫可期英靈有屬州郡□職□其志焉然公以周隋禪代之交紀綱弛紊亦既從政便以治亂爲懷眷言州壤在情彌切乃整齊風俗申明獄訟進善黜惡導德齊禮雖在鄉國若處王朝政教嚴明吏□悅伏見危拯難臨財潔已利物之□不自爲德不貪之寶必畏人知開皇初頻詔搜揚人物春王出口京洛致書辟召州縣竝苦相敦逼公辭以痼疾且得遂情偃仰其後隋文帝忌憚英俊不許晦跡邛園公且□維繫方應薦舉七年始入京省授吏部承奉郎是時齊朝資蔭不復稱敘鼎貴高門俱從九品釋褐朝廷以公望實之重才藝之優故別有此授以明則哲之舉俄遷監察御史每杖節巡省糾逖姦慝心存□□□□轉授秦州總管錄事參軍事漢陽重鎮京輔戶門管轄一方允斯盛選尋以朝集入京與左僕射齊公總論孝課之法黜陟之方齊公對岳牧以下大相歎伏其後具以公言敷奏仍有十擢之辟□非知□□主竟不能見用□遷許州長葛縣令公鎮之以清靜文之以禮樂訟以道息災因德弭百姓感悅咸不忍欺愛之如慈親焉敬之如明神焉繼貢知歸頌聲載路解代之後吏民追思惠政樹碑頌德在長葛秩未滿以考績□

山左金石志卷第十

五

皇上情深遺烈何口想

於夷門眷言才子便有懷於袁煥貞觀三年十有一月廼下

詔曰紀功褒德列代通典崇禮飭終著在方策隋故司縣判史房彥謙世襲簪纓珪璋特秀溫恭好古明閑治術爰在隋季時屬卷懷未遂通塗奄從運往以忠訓子義公過庭佐命朝端業隆功茂立錫以連率光被九原可贈使持節都督徐泗仁譙沂五州諸軍事徐州刺史四年十一月又發詔追封臨淄公食邑一千戶諡曰定公禮也粵以五年歲次辛卯三月庚申朔越二日辛酉安厝於本鄉齊州亭山縣趙山之陽惟公風格凝整神理沉邃內懷溫潤外照光景追思儀範暖似文成之圖邈想風口懷若相如之氣時逢戰爭術益從橫或恥問仁用安嘉遯收文武之將墜殊山林而忘反是故銷聲貴里隱異迷邦哉曜

高門處非絕俗優柔六藝紛編百氏采絕代之闕文總前脩之博物雖昔口明實口口口識疏屬之神辯口鼠於漢朝彰委蛇於霸業無以尙也彫蟲小技曾未口懷時有制述將苻作者致極宏遠詞窮典麗足以克諾聲律感召風雲豈唯白雪陽春郢中黨和而已未惟書契之口口口口口口跡草棘之妙冠絕當時口口多年孝友淳至未離緇祿便遭極罰裁有所識口訪家人發言號絕不自勝處年十有五出後傍宗深惟鞠養之慈將闕晨昏之禮辭違之辰感切行路及就養口口不異所生兩門喪紀竝逾制度哀毀之至聲被朝野口以期功之感甘旨未嘗朋友之喪遠近畢赴人倫之紀禮法之隆近古以來未之有也且復畱連宴賞提攜臭味登山臨水必動疏言清風朗月口口口口口口滿席且得口口之孫門口口通時許慈口之御指困

山左金石志卷第十

六

無倦解京未已仁義口厚資產屢空以斯器望窮茲至道謂空
俯拾青紫增曜台階而止類太邱玄道下邑遽同子產空聞遺
愛報施之理何其爽歟若夫死生者形骸之勞息歿壽者大化
之自然固知命之不憂豈居常而爲累也然行周於物寒暑不
能易其心智周於身變通不能窮其數而靈祇多忍幽明永隔
散精氣於風烟委容質於泉壤可不哀哉於是四方同志之士
百里懷音之客式遵盛烈共勒豐碑百藥爰以疇昔矣遊蘭芷
寧謂正始之音一朝長謝師資之德百舍無從義絕賓階哀纏
宿草思效薄技覲申萬一仰惟治身之術立德之基固繫辭可
以盡言豈言之而無媿也廼爲銘畢

地靈貽福天齊分命世祚有徵重光無競顯允君子丕承寵光
靈河耀秀日觀含章元門味道幽谷迷方陸沉通德朝隱康莊
儀鳳潛靈彫龍振藻宏之在人一變至道昭章口訓寂寥元草
文質彬彬波瀾浩浩齊物無待隨時吐曜導俗激原訓民居要
州將貽喜邦君長嘯乃眷韜鈴還歸漁釣三逕雖阻入絃方密
侃侃末班逶迤下秩司憲邑宰循名責實御衆以寬在刑惟恤
履斯異行秉口丕基才高位下有志無時和光偶俗誕命膺期
口揚投買唯茲在茲樹德不已蹈仁無默遺構有憑高門以闢
眷言上壽方期永錫載佇太階翻歸厚夕義高表墓道貴揚名
式故昭文物用紀哀榮抽簪故吏制服諸生一刊圖石口口飛
聲

碑陰

出金石錄卷一

七

公之將葬 恩旨重疊贈優渥口口口公及夫人竝令所
司營造馬輿各給四馬從京師洛陽殯所送至本鄉其車輅儀
仗出懷洛二州給船載運口道口力至於墓所儀從錢口有闕
口者口口又發勅令以官物修補又支官式令例無鼓角亦特
給送至於葬所又於常令給墓夫之外別加兵千功役臨葬口
復降 勅使馳驛祭以少牢葬後爲供葬事發

勅旨行筆十有二條近代以來

恩榮褒贈未有若此者也中外姻戚海內名士并故吏門生千
里赴會口及州里道俗二千餘人

碑側

太子左庶子安平男李百藥撰

太子口口口口口歐陽詢書

貞觀五年三月二日樹

右碑文三十六行行七十八字徑八分第二行損口口當
年句脫一字末行式昭文物句多一故字碑陰題字十五
行行十三字徑一寸五分碑側題字三行字徑一寸四分
餘文云彥謙七世祖諡燕太尉掾隨慕容氏南度寓於齊
土宋元嘉中分齊郡之西部置東冀州東清河郡繹幕縣
仍爲此郡縣人案宋書州郡志文帝元嘉九年分青州立
歷城割土置郡縣文帝本紀九年六月分青州置冀州
郡縣志皆不載東冀州攷志言立歷城卽冀州治所也歷
城在青州之西又在冀州東故云置東冀州與宋書轉相
證明矣此云東清河郡而志有南清河太守當是東字之
訛也碑云植公之十三世祖者宰相世系表植後漢司空

出金石錄卷一

八

攷後漢書桓帝紀永興元年冬十月光祿勳房植爲司空
植卽其名也碑云曾祖伯祖州主簿齊郡內史幽州長史
口行州事魏書本傳歷齊郡內史平原相轉幽州輔國長
史而隋書彥謙傳載此稱齊郡平原二郡太守據碑言行
州事則攝太守耳非正官也平原亦非幽州是傳不如碑
之實也彥謙歷官所載多與傳合惟傳稱大唐馭宇追贈
徐州都督臨淄縣公未實其歲月以碑證之貞觀三年十
二月下詔贈使持節都督徐泗仁譙沂五州諸軍事徐州
刺史四年十一月又發詔追封臨淄公也趙氏金石錄云
彥謙自曾祖而下三世皆封壯武侯隋唐史元齡所書皆
同此碑作莊武未知孰是案壯與莊古皆通用趙氏殆未
細審也碑陰記載贈贈會葬之盛皆近代所無其云文官

式令例無鼓角亦特給送至於葬所攷舊唐書音樂志云五品官婚葬先無鼓吹唯京官五品得借四品鼓吹彥謙在隋官終涇陽縣令又非京官得借之例故云特給也其卒在大業十一年至貞觀五年三月葬當時依唐令典如是碑側記立碑年月并李百藥撰文歐陽詢八分書爲著錄家所未見尤可寶也

岱嶽觀題名碑

凡二石有額俗名鴛鴦碑俱高六尺二寸廣一尺五寸四分厚七寸題字三十四段年月書體詳後在泰安縣泰山下老君堂內

一題顯慶六年二月廿二日勅使東岳先生郭行真弟子陳蘭茂等造像記五行正書徑九分在首幅第一列之右

泰山經緯碑

九

一題大周萬歲通而貳年歲次丁酉東明觀三洞道士孫文儒造像記六行正書大小不一在首幅第一列之左

一題久視二聖太歲辛丑口口乙亥朔二日丙子神都青元觀主麻慈力齋醮記七行正書徑六分後又題祗承官銜名小楷二行下半殘闕在首幅第二列之右

一題儀鳳三年三月三日大洞主法師葉口善造像記三行正書大小不一在首幅第二列之左

一題大周長安四聖歲次甲辰十一日癸未朔十五日丁酉口口觀儀師邢虛應法師阮孝波齋醮造像記九行正書徑五分後又題岱嶽觀主倫虛白及專當官銜名凡四行正書大小不一在首幅第三列

一題大歷八年歲次癸丑九月癸酉朔廿八日脩功德中

使正議大夫守內侍省內侍官口口等題字十五行自左至右正書大小不等在首幅第四列

一題大周而祿二聖歲次辛卯二日癸卯朔十日壬子金臺觀主中岳先生馬元貞設醮造像記十行正書徑一寸後又題宣德郎行兗州都督府倉曹參軍事李叔度一行正書徑四分別有一件字在首行下疑當時押記在次幅第一列

一題長安元聖歲次辛丑十二日己亥朔廿三日辛酉道士金臺觀主趙敬等齋醮造像記十一行正書徑八分後又題專當官等銜名四行正書大小不等末有詹字未詳在次幅第二列

一題大唐神龍元年歲次乙巳三月庚辰朔廿八日丁未

泰山經緯碑

十

大宏道觀法師阮孝波等齋醮記末題給事郎試太子中允劉琇良書凡九行正書徑五分布在次幅第三列之右

一題檢校尚書駕部郎中使持節都督兗州諸軍事兼兗州刺史侍御史充本州團練使任要貞元十四年正月十一日立春祭嶽遂登太平頂宿其年十二月廿二日立春再來致祭茶宴于茲同遊詩客京兆韋洪云云凡六行自左至右正書徑六分布在次幅第三列之左案是年閏五月故兩度立春

一題大唐景龍二年歲在戊申二月甲子朔十二日乙亥設醮記九行正書徑五分布下截殘闕是記景龍二年齋醮薦璧之事末行作韻語太山巖巖兮陵紫雲中有羣仙兮乘白雲陳金荐璧兮惜未得記頌原委也在次幅第四

列之右

一題臘月中與韋戶曹遊發生洞徘徊之際見雙白蝙蝠三飛洞口時多異之同爲口號 任要 山翠暮雲洞洞

深元想微一雙白蝙蝠口度向明口雖言有兩翅了自無毛衣若非飽石髓那得流口口偶見歸堪說殊勝不見歸

同前 章洪 欲驗發生洞先開冰雪行窺臨見二翼色異飛無口狀類白蝙蝠幽感騰化精應知五馬來啓蟄

口春榮露冕口之久鳴騶還慰情詩二首凡八行行書徑七分在次幅第四列之左 以上第一石題字十二種

一題大周望麻元垂歲次戊戌臘○癸巳朔貳○甲午大宏道觀主桓道彥造像記九行正書徑七分後有兗州團練使都虞候銀青光祿大夫試衛尉卿上柱國高晃兗州

團練使押牙忠武將軍守左武衛大將軍上柱國趙俊專當官博城縣尉李嘉應銜名五行左讀亦正書徑七分在

首幅第一列

一題大周長安肆季歲次甲辰玖○甲申朔捌○辛卯勅使內供奉襄州神武縣雲表觀主元都大洞參景弟子中

岳先生周元度齋醮記十一行後有專當官朝散郎行參軍燧煌張淩并書及專當官文林郎守博城縣主簿韓仁

忠專當官宣德郎行口口口劉元機銜名二行俱正書徑六分在首幅第二列

一題大唐景雲二年歲次辛亥八月癸卯朔十四日景辰蒲州丹崖觀上坐呂皓仙云云後有朝議郎行倉曹參軍

陸大鵜朝議郎行兵曹參軍高峻通直郎行參軍袁幹時

宣義郎行瑕邱縣丞裴遇等奉都督齊國公崔處分令此起居呂尊師時屬仲秋謹題斯記十二行正書徑六分在首幅第三列

一題大唐大曆七年太歲壬子正月癸未朔廿三日乙巳奉勅於岱岳觀脩金錄齋醮云云三行正書徑一寸後有

修功德中使內侍魏成信等銜名九行正書大小不一在首幅第四列

一題鴻臚少卿口偃等銜名九行正書徑一寸二分下截殘闕在首幅第五列

一題大唐景龍三年歲次己酉二月戊午朔十九日子奉勅令豫州龍興觀主杜太素等齋醮記十三行後有戶

曹盧述口等銜名三行俱正書徑六分在次幅第一列

一題景雲二年六月二十三日皇帝敬憑太清觀道士楊太希於名山斫燒香供養惟靈蘊祕凝真含幽綜妙類高

旻之亭育同厚載之陶鈞蓄洩烟雲蔽虧日月五芝標秀八桂流芳翠嶺萬尋青溪千刃蜺裳戾止恆爲碧落之庭

鶴駕來遊卽是玉京之域百祥覃於遠邇五福被於黎元往帝所以馳心前王由其載想朕恭膺寶位嗣守昌圖恐

百姓之不寧慮八方之未泰式陳香薦用表深衷冀明靈降茲休祉所願從今以後浹寓常安朕躬男女六姻永

保如山之壽國朝官寮萬姓長苻擊壤之歡魚鳥遂性于飛沉夷狄歸心於邊徼實希靈鑒用副翹誠今因練師遣

此采悉凡十二行正書徑五分在次幅第二列之右此睿宗手勅也詞句工麗因全載之

一題開元十九年十一月都大玄道觀主張遊霧京黃龍觀大德楊琬及專當官朝散郎曲阜主簿上官賓登仕郎軋封縣尉王去非題名四行正書大小不等在次幅第二列之左

一題歲六月我皇有意於神仙勅使正議大夫內給事梁思施寺伯俱元明等修廟之詞又云嘗未浹日厥功已成末有開元八年歲次庚申七月壬子朔廿日辛未畢此功也凡十五行另一行題口口尉攝此縣盧煥八字俱正書徑七分在次幅第三列

一題淄川刺史王圓口口口徇山人王口字大歷十四年二月廿七日同登泰嶽云云末有驅使官樂瓊題記七行正書徑六分在次幅第四列之右

《峯金志卷第一》

三

一題開元廿年二月口口勅使內侍省內謁者監胡寂判官掖庭局監作審君愛口上騎都尉王元口專知官登仕郎行軋封縣尉王去非凡五行左讀正書徑八分在次幅第四列之左

一題祭岳使亞獻觀察終獻禮部等衙十行姓名皆闕末行存建中元年四字正書徑一寸餘在次幅第五列第二十二種

一首行題晉二字及早春陪勅使麻先生祭岳行博城縣令馬友鹿云云次行詩云我皇盛文物道化而垂先鞭捷造神鬼玉帛禮山川忽下元洲使來赴紫洞前青羊得處所白鶴惟時還虔懇飛龍記昭彰化鳥篇巖風半山水墟氣總雲烟虬抱口中霞明五色而山橫翠微外宇臨

綠蘿邊侵暮灰園暖焚林火欲然率光著草樹春色換山泉伊水來何處嵩巖去幾千山對小而下墜是會神仙素令乘鳧入浮耶駕鶴旋麻姑幾率歲三見海成田凡五行正書徑八分在上列

一題平盧口口支度判官中大夫檢校尚書工部郎中兼侍御史敬寒節度押牙中大夫試殿中監馮珣

人呂滔文林郎守充府兵曹參軍田浩文林郎任城縣尉高鏗朝散大夫行任城縣令權知乾封縣令楊序節度驅使官朝散郎試光祿寺主簿明幹唐建中元年二月廿九日同口口口因訪瑤池故志之凡六行正書徑五分在下列以上第一例

一題徂徠山人高季良岱嶽山人王寓渤海高暉岱嶽觀

《峯金志卷第一》

四

上座董太虛岱嶽寺主良素四行行書徑一寸二分在第一次書法超逸得右軍遺意

一題戶曹參軍魏嘉禮檢校齊解張寶觀主趙元監齋許林齊仁王瑤王希嶠五行正書大小不等末有并字押記與前同在第二列

一首行題五言二字及贈諸法師宣義郎行博城縣丞公孫杲云云次行詩云駕鶴排虹霧乘鸞入紫烟凌晨味譚菊薄暮玩峰蓮玉葉低梁下金颺引憲前嘯傲雲霞際畱情鱗羽年五行正書徑七分潭字作譚書法秀勁有法末又一行題大庾七年正月廿五日口口文來記十四字字體不類乃續題也在第三列

一題乾封縣令劉難石口潘仙觀岳守鄆州盧縣丞權

知岱嶽令畢從勸羊希復天師下行官邊阿秀張友朝大
道弟子鄧仙芝岱嶽觀主道士趙昌元使下行劉伯川凡
五行字體參差疑非一時所刻也在第四列

一題萬歲觀主道士口口口上清元都大洞三景弟_{下闕}

真君廟院主檢校道門道士卜皓岱嶽觀三洞法師王口

凡五行正書徑七分在第五列

一題長清董元康權宰奉高受代將歸同王彥文遊政和

甲午重九日崇道繼至凡七行字徑一寸在上層空處宋

人題名因增於後以上第二側題字六段

一額面題轉運使尙書工部郎中宋禧因巡歷遊岱嶽觀

皇祐四年三月二十有二日題時奉符宰殿省丞張周偕

行凡八行正書徑八分

▲山左金石志

五

一額面題州從事李防因幹事至邑率巡山供奉何懷智
前巡山侍禁李安冀耶簿胡稷臣符離進士張琰屢遊時
皇祐壬辰歲仲夏月十有一日題石觀主王歸德道士
李若清凡九行正書徑五分末二行字較小

右雙碑合而爲一以石束之凡四幅及碑側碑額題字三

十四段文字大小參差不一顧亭林金石文字記云碑凡

大周年者天作而地作基人作至聖作聖臣作忠年作率

月作田亦作田_{韻會以田爲生字誤考此碑}日作日_{星作}

○正作田授作稯_{授作稯}初作壘唯展字無可攷疑是

應字凡數字壹貳叁肆捌玖等字皆武后所改及自制字

其壁麻年記有云設金籙寶齋河圖大醮齋○泰古七字

太元經元籙曰運諸泰政元稅曰稅擬之二泰方言曰吳

有齋娥之臺_{晉東晉元居釋}王莽候鉅銘重五十泰斤是

也後人不知妄於左旁添鑿三點淺而大又稍偏知非一

筆_{唐碑書七字亦有作漆者今墨子書周公旦朝讀書百}

漆即漆之草書趙古則謂以七漆二字合成造之非也山

海經剛山多漆木水經注漆水下有漆縣漆渠漆字皆

又漆之省武虛谷云文中數目字作壹貳叁肆捌玖等

字亭林謂皆武后所改又証以演繁露謂古已並作此字

唯古文經史凡書千百之字無有用阡陌之阡伯叔之伯

者以余攷此書阡陌字經或無文然記傳蓋有之矣管子

四時篇修封疆正千伯注千伯卽阡陌也董仲舒云富者

連田仟伯過秦論起仟伯之中漢書食貨志商君壤井田

開仟伯此數字雖不專以數目言然仟伯與阡陌古亦同

用至志下文云商賈亡農夫之苦有仟伯之得師古曰仟

謂仟錢伯爲伯錢則數目字亦作仟伯如是見於史者非

其徵與_{周書克殷解命南宮百達遷九鼎楊}又顧氏引冊

府元龜文宗大和二年十月詔太后所撰十二字並却書

其本字今案景龍以後碑誌之文固皆書其本字矣不知

何以復有此詔予檢容齋隨筆唐中宗旣流殺五王再復

武氏陵廟古補闕權若訥上疏以爲天地日月等字皆則

天能事賊臣敬暉輕紊前規削之無益于淳化存之有光

於孝理疏奉手制褒美據此則僞撰字已復行至文宗乃

見於詔文始以掃除其跡耳顧氏殆亦未之詳也與_元案

此碑著錄自國朝顧亭林始予至山左更搜拓全本較

顧爲多內稱大歷十四年二月廿七日同登泰岳爲淄川
刺史王圓案天寶元年改刺史爲太守此當大歷時稱刺

史由至德二載官名復舊也又建中元年二月有節度判
官中大夫檢校尚書工部郎中兼侍御史敬審見唐書宰
相世系表嘗建州刺史書嘗爲壽表誤也又有朝散大夫
行任城縣令權知乾封縣令楊序序亦見表觀王房但未
著其歷官亦有闕漏也又有文林郎守兗府兵曹參軍充
州爲大都督府故有府稱其稱節度驅使官者藩鎮自所
署置威權移於此矣顧氏自述來遊數四募人發地得其
全文今元更爲補遺如此益嘆搜奇難盡也

王知慎等題名

乾封元年二月刻正書崖高三尺八寸廣二尺六寸在泰

安縣岱頂仰天洞西

第一行模
糊不能識

《峯峯集》十一

七

判官兼口口羽儀作官府寺丞王知慎

城作坊檢校造封禪口口御作布政府口口口幹信口宣德郎行

宮門整備大下

行內府監主簿王知敬兵下道內府監錄事左君植

左下口口中尚監作呂鐵控下

皇甫瞻主簿敬孝友口口司戶許行真高陵縣主

下

判官郊社令降口口行口官署令上口口口貞

掌口事李下紀口張統師

乾封元年二月一日記

上關西臺主書口都尉王行直馮承素孫表口

上關口乾封元年口月十五日從祭至此故記

上關乾封元年二月十日奉勅投龍壁於介丘記
上關少監口口智下關
上關令崔元泰下關
岱岳令牛成

右題名俱爲明人加刻之字所掩細爲諦審僅錄如右案
舊唐書高宗紀麟德三年春正月戊辰朔車馬至泰山頓
壬申御朝觀壇受朝賀改麟德三年爲乾封元年意此皆
從封諸臣故有官府寺丞檢校造封禪行宮門整備大使
等官也行內府監主簿王知敬見新唐書王友貞傳云父
知敬善隸武后時仕爲麟臺少監者卽其人也又西臺主
書口都尉王行真者案職官志龍朔改中書省爲西臺其
屬中書舍人下有主書四人卽此西臺主書也又有奉勅
投龍壁於介丘者一人投壁似卽封禪瘞玉之事益都雲
門山有北海太守趙居貞投龍詩碑序云趙居貞登雲門
山投金龍環壁奉爲開元天地大寶聖文神武皇帝祈福
也事與此同服虔漢書注云介大也邱山也介邱猶言太
山也諸人姓名王知慎居前故取以冠題

劉仁願等題名

乾封元年二月刻正書崖高三尺六寸廣二尺在泰安縣

岱頂仰天洞

口口衛將軍魯成縣開國公上柱國劉仁願穎川郡夫人陳大

口口口出身口口二男懷瓊任引文館學生女一人新婦寶二

新婦子

乾封元年二月十九日上記

盤陔 排兒 高益富 呂小隴 奉母聶阿稔 笙博士沈
小奴

右題名亦爲明人刻字所掩笙博士乃專業者之名亦起於唐如大歷同光禪師塔銘有造塔博士皆此類也

贈秦師孔宣公碑

乾封元年立井陰俱八分書篆額碑高一丈八寸廣三尺八寸在曲阜縣孔廟大成門前南第三樓內

大唐贈秦師魯先聖孔宣尼碑

物畫像極工細

大唐贈泰師魯國孔宣公碑

祕書少監通事舍人內供奉

臣崔行功奉
勅撰文奉

勅直祕書行祕省書學博士

臣孫師範書

臣聞彤氣肇分宗匠之塗遂廣性情已著名教之理攸興是故

山金石志卷第十二

十九

雕刻爲妙物之先粉澤成真宰之用若其聘語弃智則聖非據
臂之端莊寄齊諧禮必因心之範雖九流爭長百家競逐而宗
旨所歸典墳取俊夫軒義已謝子奴迭微步驟殊方質文異轍
及流釐起譚箕服傳託憲章版蕩風雅淪喪然而千齡接聖崇
朝可期五百見賢伏柯未遠粵惟上哲降生紀運理接化先德
充造物財成教義彌綸之跡已周組織心靈範圍之功且峻利
仁以濟幽顯坐訓以震動植自歎起臨川道窮反袂西峰炎王
幾燼蒼山東野柔柴多塵碧海屬混元再造休明一期雅頌之
音復聞郊禋之禮還緝跨巢胥之逸軌邁龍鳥之遐風瞻白雲
而昇介邛翼蒼螭而過沂上而令千祀之外典冊遂隆九泉之
下哀榮方縟斯廼命爲罕說道不預謀豈如箕山之魂空成寂
漠信陵之墓徒復經過將知龍蛇之蟄潛契於天壤聖智所遊

山東金石志卷第十二

三

高懸於日月言之不可極其唯孔泰師乎泰師諱邱字仲尼魯國鄆人有殷之苗裔也分於宋則孔父嘉爲大司馬弗父何以國讓其弟厲公正考父佐戴武宣而受三命居於魯則有防叔伯夏叔梁紇紇生泰師若夫天命元鳥王筐隆其濬哲瑞啓白狼瑤臺繁其錫類武王覆夏仍遷象物之金有客在周復秦葉林之樂茲恭喻尸臣之鼎高讓挹延吳之風令緒昌源煥乎已達至如象緯疑質則傳說巫咸當華降神而申伯吉甫在於郊臨巨跡鸞符中野之口水帶耶阿遙均反宇之慶疆乾坤之精粹陶陰陽之淑靈度九圍十河目海口放勛文命有喻於儀彤子產臯繇微詳於具體孟孫言其將聖泰宰辯其多能神關繫表性與道合時初撰履已訓魯卿年未喪口先窺周室猶且學期上達業邁下問龍如歲史或訪禮經碧准蓑宏言詢易象曲

鐸之意既而在斯興感用輟棲違狂簡斐然彌嗟穿鑿旋駁舊
館掃庭闕里杏壇居寂緇林地幽知十稽微得二承妙科升所
載方閱舊文雕鳩在篇遍詳雅什河漢執鼓鏗鏘之響復傳宗
廟衣裳升降之儀還序博約無倦誘喻多方后稷躬耕近闕勵
物伯夷餒死猶可激貪周公其人則神交於夢想管仲小器歎
微之於征伐信立德立言泰上謂之不朽曰仁與義前哲以之
周旋覆實為山喻天階而不防讀易無過假日蝕以鳴謙茨嶺
峒山寄言於獨善口情風御未涉於通莊妙臻數極作倖易簡
是知縫掖迺兼濟之塗華衮非為政之要及其思智齊泝椿菌
如一南楚狂狷舊辯鳳衰東魯陪臣奄成麟斃晨興負杖知命
發於話言夕寐寢極將委傷其渣慮崇山口口口口口下而無由
隕石沉星架大梁而何有門人議服俱纏至極之哀國史制詞

《山左金石志》

三

乳錫愁遺之誅及埏深夏屋樹列遠方五勝迭遷六籍無准席
間初聞已舛微言入室且分過乖大義秦人蛙沸遺燼翳然漢
代龍驤挾書未翦元封有述殘闕載陳甘露嗣蹤搜揚復起春
陵受命先訪於膠庠譙郡膺符多招於文學遯江馬南度泉鵝
北飛鵠入環林鯨街聖海有隨交喪中原翦復東序南雍鞠為
茂草六樂五禮皆從燬室欽若

皇唐肇膺明命

祖武宗文之業天成地平之勳圖書

因樂推重干戈由寧亂集創舟創浮芹藻之詩先達衣初卷
羽箭之節旋興 皇上以聖敬而撫璇圖 文明而

膺寶麻夏口挹口光兆姬誦讓其惟清化入龍沙風移鯢海金
邱展賁環田薦賂潛馬飾黃芝之封浮龜吐綠文之籀虞庠殷
塾廣賓龙曳蓬嶺石渠朋延停誨垂衣裳而凝想虛 旒纁

以永懷至於大道浸微小康遂往歲譏紫口口口口阿劉屈白
金徒遵高里黃初正始時多間然建武永平業非盡善而迺作
樂崇德殷薦之禮畢陳有乎載容觀下之訓齊設肆類羣望孝
享之義益隆歸功 三后尊祖之誠逾切 詔震中而徵
萬王詔口口口口召百靈一茅分茹雙鶴其羽翠華遠昇藉席虛
位 上帝儲祉泰壹有暉山祇傳聲海神會氣九皇之況榮
可嗣三代之闕典還屬迺使朱鳥詳日蒼威戒路七萃騰景入
鑾鐙風過大庭以省方掩洙上而口口口口居莫辯祠堂歸然見
馬鬣於荒墳識機檀於古塚歎重泉之可作問盛德而必祀言
敷典訓廣命梓材贈以泰師式旌幽壤改製神宇是光令德于
時 皇唐之御天下四十有九載即乾封之元年也攝提口歲
句芒獻節兗州都督霍王元軌大啓藩維肅承 綸誥庀徒揆

《山左金石志》

三

日疏閑蘿達接泮林之舊壇削靈光之前殿徂來新甫伐喬木
而韻流嘖嘖吟泗濱採惟石而喧浮磬頽頽紫施絢黝繁飛文沓
拱重檻春窻秋幌陰欄積霧縹緲懷煙几仍度室席遵函丈喜
宮濤然睟容有穆至如襄城有訪七聖援其駢駮汾水言遊四
子冥其衡範將謂布衣黃屋名器則殊卷領素王感召宜一顏
子侍側似發農山之談李路承間如興浮海之說西華束帶尚
以要賓言偃揚袂猶為得禮避席延其不敏拾瑟瞻其幽情共
列昇堂齊參親與歲時蘋藻復雜昌蒲平日絃歌還聞絲竹
皇儲一德聿隆三善博望邀裾肅成講義發揮鋒鏑造幽贊事
業而以周穆之觴王母尚勒西傘漢帝之宸稷邱因書東嶽遂
迺思建隆碣上聞 天辰言由國本理會 冲情副震宮之
德聲命芸閣以綢頌元堂闢分神靈優揚教思分兩儀配廟

皇綱分融 帝載堯可履分舜爲佩畫而明分夜而晦于遂業
今麗萬代其詞曰 赫赫上帝悠悠天

造神集鴻名聖居大寶循性稱教率性爲道政若銖金化倖偃
草 爰畫先起律呂創陳禮節天地樂和人神成期用簡業尙
日新絳無聲臭騰有彝倫 水火朝變憲章時革周廟傷禾殷
墟悲喪衰豔紕雅厥荷淪蹟散亂記言支離方冊 自天生德
山縱成能賓筵恪嗣銘鼎家承尊龍運舛振鐸冥膺闕典攸緝
斯文載興 廣訓三千徧千七十歷階東會藏書西入楚將分
社齊聞與邑接輿自狂長沮宏執 在智伊妙惟神迺幾羊因
魯觸鳥向陳飛那傳頌管編照書韋卜商承絢顏子參微 堯
則不追昌亦遂往名教宿發心靈況獎德配乾坤業暉辰象麟
悴遙泣山蹟曼仰 三統昌日千齡 聖期禮宗有吳展禮崇
基觀宣時邁神緘孝思絳螭承軌翠鳳翻旗 上浮龜蒙遙集
鄒魯翹勤真跡惆悵今古舊壁迷字荒墳翳斧 綸貴宗師
詔緝靈宇 虹梁野構翬翼林舒雕櫺繡栢圓井方疏沂童浴
早泮鳥鳴初俎豆蠲絜丹青藹如 墨檢前蹤莊放遺轍於昭
遐訓允歸聖烈肅穆仁祠陰沉像設隨四序以潛運懸三光而
不跌

碑陰

大唐武德九年十二月廿九日下

太宗文武聖皇帝詔曰宣尼以大聖之德天縱多能王道籍以
裁成人倫資其教義故孟軻稱生人以來一人而已自漢氏馭
歷魏室分區爰及晉朝暨于隨代咸相崇尙用存享祀朕欽若
前王憲章故實親師宗聖是所庶幾存亡繼絕抑惟通典可立

孔子後爲褒聖侯以隨故紹聖侯孔嗣振嫡子德倫爲嗣主者
施行

皇帝以乾封元年正月廿四日下

詔曰朕聞德契機神盛烈光於後代化成天地元功被於庶物
魯大司寇宣尼父孔邱資大聖之材屬衰周之末思欲屈已濟
俗宏道佐時應聘周流莫能見用想乘桴以永歎因獲麟而興
感於是垂素王之雅則正魯史之繁文播鴻業於一時昭景化
於千祀朕嗣膺寶歷祗奉睿圖憲章前王規矩先聖崇至公於
海內行大道於天下遂得入表父安兩儀交泰功成化洽禮盛
樂和展采東巡迴輿西土塗經茲境撫事興懷駐蹕荒區願爲
師友瞻望幽墓思承格言雖寢荒蕪餘基尙在靈廟虛寂微
烈猶存孟軻曰自生人以來未有若孔子者也微禹之歎既深

山左金石志

志

褒崇之道宜峻可追贈太師庶年代雖遠式範令圖景業惟新
儀刑茂實其廟宇制度卑陋宜更加修造仍令三品一人以少
牢致祭褒聖侯德倫既承肩緒有異常流其子孫並宜免賦役
主者施行

兗州孔廟碑 此一行字體不類後人所刻

右皇太子宏表稱臣聞周師東邁商間延降軾之榮漢蹕西旋
夷門致抱關之想況泣麟會躅歌鳳遙芬被緝禮於昌辰飾殊
榮於窮壤者伏惟

皇帝陛下資靈統極稟粹登樞乃聖乃神體陰陽而不宰無爲
無事均雨露之莫和六符薦而太階平百寶臻而天祚永靈臺
所以復伯延間由其增絢尙齒尊賢道 鴻名於萬古興亡
繼絕騰峻軌於千齡大矣哉茂實英聲固無得而稱矣日省封

金岱吹會王梁陰路指 沂川塗經關里迴 鑾駐宇式監

堯禹之姿闕續凝旋載想溫良之德於是特紆宸渙贈以

太師爰命重臣申其奠醑廟堂卑陋重遣修營聖侯德倫子

孫咸錫賦役臣

恩均扈從迹濫撫軍舊烈遺塵昭陪瞻眺雪壇相圖欣覲前聞

又昔歲承

思齒胃膠塾歷觀軒屏貝到門徒想仁學於顏曾彌深景慕採

風猷於竹帛冀啓顒蒙所以輕敢陳聞庶加褒賄

天慈下濟無隔異時咸登師保式光泉夜敢以前

恩重茲干請竊謂宣尼之廟重闡規摹桂奠蘭羞永傳終古崇

班峻禮式賁幽延而翠炎莫題言猷靡暢詢諸故實有所未周

且將聖自天惟幾應物拯人倫於已墜甄禮樂於既傾祖述助

峯著錄卷十一

五

華三千勵其鑽仰憲章文武億兆遵其藏用豈可使汾川遺廟

獨擅於無慙峴岫餘文孤標於墮淚伏見前件孔廟營構畢功

峻業曾徵事資刊勒敢希

鴻澤令樹一碑徂遠海口夷九無微發山東豐稔時踰恆歲況

鄒魯舊邦儒教所起刊勒之費未足爲多許其子來不日便就

乞特珍照遂此愚誠臣識昧恆規言愆通理塵黷聽覽追贈悚

戰

勅旨依請

右二詔一表八分書二十五行行五十五字刻於碑陰上

截字徑寸餘

維乾封元年歲次景寅二月戊戌朔二日己亥

皇帝遣司稼正卿扶餘隆以少牢之奠致祭先聖孔宣父之靈

惟神玉鈞陳貺靈開四肘之源金霽流禎慶傳三命之範神資

越誕授山岳以騰英天縱彼高蘊河海而標狀折衷六藝宣創

九流睿乃生知靈非外弊於是考三古褒一言刊典謨定風什

莊敬之容畢備鐘鼓之音載和父子爰親君臣以穆蕩乎煥乎

樂正雅頌各得其所可不謂至聖矣夫勝以宸德嗣應神器式

崇祗配展義云亭感周禮之尙存悲素王之獨注抒軸洙泗如

挹清瀾雷連舞雩似開金奏昌門曳練徒有生薑之疑漢曲移

舟非復祥萍之實慨然不已爰贈太師堂宇卑陋仍命修造褒

聖子孫合門勿事庶能不遺百代助損益之可知永鑑千年同

比肩而爲友聿陳菲奠用旌無朽梅曙霞梁松春月隔德音暢

而無歎形神忽其將口儻弗沫於生前亦知榮於身後尙饗

右祭告文八分書二十五行行十二字刻於碑陰下截字

山左金石志卷十一

五

徑寸餘

儀鳳二年七月訖功

右八分書一行刻於碑陰末行之中字徑一寸

明昌二年七月一日暴風折木壓其碑仆於地龜趺分爲二碑

與字俱無害豈陰有所相而然耶九月一日復命工易以此座

云提按修廟朝請大夫開州刺史高德裔記

右行書二行刻於碑陰上截表文之後字徑一寸

此碑文凡三十一行行八十二字徑一寸二分崔行功撰

文孫師範八分書王元美云孫師範嘗書開元寺千佛記

無書名而此碑分隸是初唐筆法尙有漢魏遺意也文中

凡太字皆作泰磬字作磬銘云循性稱教循與脩通漢碑

多以修爲循也爰畫先起依文義當作爰畫蓋刻者誤耳

